

萬有文庫

第二集七百種

王雲五主編

敬業堂詩集

附續集

(五)

查慎行撰

商務印書館發行

敬業堂詩集
附續集

(五)

查慎行撰

國學基本叢書

敬業堂詩集卷三十一

直廬集

起甲申正月
盡乙酉五月

直廬之名出漢書嚴助傳注所以處賢良文學之臣余不才初蒙特召出入禁林已踰年矣今乃取以名集者斷自受職之歲始用彰恩遇且以志愧云

元旦太和殿早朝

火城宛轉度星橋香殿葢葢接慶霄黃繖綵旂龍影動玉笙金管鳳音調五雲淑氣開蓂葉一日春風曳柳條

前一日
立春

鶯綴鴛分眞忝竊正衙初預德陽朝

上元節西苑賜宴觀燈恭紀

瓊島東瞻壁月圓箭韶吹徹九重天壺傾潑灑金尊溢盤貯芳馨玉饌鮮絳蠟班隨中使導黃柑例許侍臣傳太平時節觀燈宴旣醉惟當祝萬年

是夕復侍宴東宮蒙賜玉盃恭紀

曾從繁露記書名鶴禁傳看分外榮照座欲分鐙影燦入懷長並月胎盈舉同鬢鼎恩加重刻作雲雷製倍精珍重捧歸須什襲濁醪難向此中盛

春分禁中雨

小雨流鶯外，濛濛紫界牆。不知春過半，但覺日添長。白髮趨中禁，芳時感異鄉。多煩玉階草，爲我報年光。

次韻答吳西齋四首

青韶同調半衰遲，久缺題襟唱和詩。自詡狂呼袁彥道，難忘好客鄭當時。長檠列幕慚分照，小蹇衝泥倘借騎。巷北巷南曾咫尺，余借寓與西齋僅隔巷却從離索想追隨。

二老居隣共往還，謂楊玉符孫松坪兩前輩舊遊歷歷咲談間。牆頭過酒傳鄉語，花底移床夢故山。萬事無如長耐冷，

一官何計便投閒。舉朝才筆輸吳質，借職猶堪押右班。

不須作賦擬文通，好步詞場繼國風。後輩揣摩工日下，故人傳寫到吳中。時蔣西君乞假將歸碧香開甕春浮白，翠

袖分燈夜剔紅。怪得近來貧轉甚，俸錢多半給新豐。

江湖一別悔難追，誰遣閒鷗拂鳳池。玩世何妨資客難，低頭聊喜得吾師。同時領袖推東省，時考選臺垣吳名在第一

異代文章替左司。吳官戶曹時有左司筆記一書若向此中論臭味，莫言蓂楚竟無知。

送同年蔣西君假歸常熟迎養太夫人二首

泥金纔報隔年春，畫繡還迎白髮親。同榜科名傳盛事，世家書畫起文人。桃花漲後移舟穩，魚藻池西賜

宅新。行前一日奉旨賜宅於西華門內好片尙湖烟雨色，詔恩猶許住三旬。

齒序肩隨別有情。多君事我竟如兄。直廬並候花磚影。奏帖常聯紙尾名。小立宮槐曾繫馬。重來禁樹已藏鶯。卜鄰預擬同王翰。家聲山賜宅與西君比隣不爲登仙羨此行。

暢春園早桃四首

記曾元夕醉香醪。冰雪千林吐白毫。今日重來雲錦換。十分春色屬山桃。
萬樹垂楊未放青。餘寒猶勒水邊亭。天然掩映成圖畫。橫展西山作翠屏。
浴日樽桑躍海東。滿天晴色曉瞳矐。仙山樓閣無重數。只在紅霞一朵中。
烟輕霧薄景遲遲。金碧園中四望宜。忽憶江村寒食路。竹梢低拂兩三枝。

二月二十五日駕幸西苑直廬恭紀

翰墨林依紫苑東。親承步輦出芳叢。萬間廣夏移天上。時直廬新經改築。上顧臣等云。此屋比從前更覺開敞了。三接深恩沛禁中。
作紅雲長傍日。心隨碧草又迎風。直廬便是披香殿。月賜虛慚赤管功。

三月二日上御經筵恭紀

雲日瞻堯表。疇咨啓舜編。誰能窺聖學。猶不廢經筵。芳宴調羹撤。花瓷淪茗圓。是日停止筵宴。諸臣皆賜茶而退。講官仍入直。縈袖有爐烟。講官工部尚書臣鴻緒掌詹臣元龍講罷仍入南書房。

西苑上巳呈同直諸君

上已接清明。韶光滿苑城。曉烟和柳重。夜雨爲花晴。節物春長好。年芳老自驚。兩三修禊伴。閒話水邊行。

三月四日賜食榆錢糝恭紀

天上星榆歷歷看。春風吹綻小團圓。柔條摘處青成串。新火烹來翠滿盤。槐葉冷淘難比色。藜羹舊糝記同餐。他時誇向田翁說。此味曾經賜大官。

送陳陟齋都諫請假歸里卽次留別原韻

袍笏同朝萃一家。歸心偏愛故園花。清時衰職無遺闕。祖帳都門有嘆嗟。隔岸黃塵車歷鹿。渡江新月櫓伊鴉。到時親友如相問。爲道題詩字半斜。

寓園紫藤花同紫滄賦

不計千枝與萬枝。玲瓏巧透竹笆籬。圍屏倚翠成宮錦。步障留陰護紫絲。蔓引龍蛇皆上走。花披瓔珞總交垂。家園手種應如臂。忍負東風爛熳吹。

偕同年何屺瞻過古藤書屋時藤花方盛開賦呈楊玉符孫松坪兩前輩

高出檐牙又幾層。濃陰特比昔年增。重揩霧裏麻茶眼。來對塔前老大藤。一片黏須猶待拂。千梢壓架恐難勝。祇應火急催新句。莫謂先生病未能。時兩先生皆抱微痼故云。

題學士姪柳邊歸院圖二首

一條虹影亘長隄。玉螭橋邊響月題。緩轡不愁歸路遠。移家新傍禁垣西。

入直常先下直遲。風條雨葉裊鞭絲。自從賜出飛龍廐。宋時翰林學士例賜飛龍廐馬。不向東家借馬騎。

送劉雨峯出守真定

我初遊學來帝京。漁洋夫子官司成。君時實助四門教。相臨以分稱師生。衆中期許良獨厚。洒脫不用常格程。過從往往得一醉。叩發談議交縱橫。感君磊落有真意。憐我遲莫方成名。五言投贈竟長幅。氣韻迢逸聲鏗鏗。迴環首尾二十載。我髮漸白君顏頰。郎潛索米豈不久。一麾出守今專城。風前五馬五騏驎。叱馭快作西南征。橐駝載書車載酒。綠楊夾路聞鸚鵡。常山古郡接畿輔。沙泉瀏瀏欣相迎。紅蕖繞郭雲錦爛。白鷺下浴滹沱清。行人六月汗如濯。過此盡愛徐徐行。誰歟妙手爲補繪。鈴閣何必非蓬瀛。我今一官苦羈鞅。欲往相就心搖旌。中山釀熟幸郵致。毋令肺渴枯腸鳴。

送掌詹陳乾齋前輩省親四首

夜聞優詔下承明。特許朝來拜表行。親老詎應虛子職。天高原自近人情。道存養志歸非晚。風動旁觀感亦生。欲識掉頭瀟灑意。浮雲直似從官輕。

賓僚地望冠班行。直上頻依講幄旁。星漢文章唐許國。臚雲名第宋安陽。兩宮召對無虛夕。三殿摛毫有報章。誰似先生饒至性。最承恩日乞還鄉。

曾踰早海紀開邊。出入聲華孰比肩。館閣清才傳子弟。蓬壺歸路著神仙。望雲地較瞻雲近。捧日心隨愛

日懸。更喜一門多盛事。春帆相望五湖船。

一月前令兄夢齋乞假先行。

粉榆鄉社舊居隣。華髮趨朝接後塵。新樹忍攀東岸柳。殘鶯猶戀上林春。半綸投老知何日。八座還家羨有親。總道名園成獨樂。十年書局尙隨身。

時奉旨攜帶歷朝賦彙三百餘卷還家校刊。

池上雙鶴

長鳴相和兩仙禽。多在陽坡少在陰。偶向清池閒照影。被人猜有羨魚心。

恩賜哆囉雨衣恭紀

短褐頻趨道路塵。青氈猶是向來貧。爲憐襤褸隨朝士。特賜哆囉出闕賓。燥濕推恩慚厚庇。短長稱意荷終身。從今聽雨聽風候。儼直堪誇楮桂人。

五月朔賜高麗米粳恭紀

清暑初交殿角風。又傳節物近天中。靈符舊繫千絲縷。玉粒新頒五采筒。青蒻香分菖葉綠。銀盤光射石榴紅。雲帆不却三韓貢。拜賜還教紀祖功。

上諭云。此米本出高麗。自太宗朝歲貢百石。爲端午上供。

送許不器赴任陳留

風俗陳留好。猶傳一縣名人畊。莘野徧。水入汴渠清。百里才非小。三年政必成。舊遊高李盡。相送倍含情。

乙亥秋余曾遊
梁宋間故云

送張裕齋郎中出守杭州

海宇久昇平。朝家重民事。吾州繁劇郡。牧守詎輕寄。相國門多賢。先生乃其季。起家科第中。敝歷非初試。銓除例引見。人地有易置。天子稔公才。臨軒親簡畀。羣情翕然服。公望茲果遂。賤子本州民。田廬依廣庇。抒懷述所見。幸勿芻蕘棄。餘杭一都會。舊習沿浮侈。賓筵糜酒醪。徵逐共遊戲。東南際江海。隱現魚鹽市。黠者半爲商。羣羣驚聲利。泉絲雖土貢。耕紡業間墜。往時櫛比場。十室減一二。士風最柔弱。氓俗鮮倉積。去聲。好認其性然。因緣飽胥吏。舞文飢吾法。嚙啖巧窺伺。所以古相傳。陋邦號難治。我公朱轡出。福曜光燭地。才大實恢恢。心虛恆惴惴。平生開濟量。夙昔澹泊志。道路方欣瞻。風聲已先駛。星羅九屬邑。催科兼撫字。公行示以廉。表帥勵下位。百族豐确殊。噢咻同體視。公行示以儉。變化需漸漬。必若釐蠹豪。先須扶善類。弊當去太甚。利或興以次。洵知鸞鳳仁。遠勝鷹隼鷺。公餘愜雅尚。山水領幽致。開閣挹清虛。褰帷納空翠。澄泓千萬頃。高下三百寺。日爲湖上遊。原不廢填委。吟賡白蘇什。手續歐梅記。寧待報最期。竚看璽書賜。

苑中聞鶯

晝與人聲靜。牆兼晷影移。四圍千碧樹。百轉兩黃鸝。樾熟蠶應老。芒疎麥正垂。未聾雙耳在。爲爾立多時。

五月二十六日喜雨

前夕齋壇撤醮回。西郊今日忽聞雷。一軒傍水看雲起。萬木無風待雨來。聖與天通終應禱。人言旱久未成災。願敷甘澤沾濡意。膚寸崇朝徧九垓。

雨後暢春園池上作

林亭片雨過。萬綠濃於染。葉杪滴殘聲。波紋蕩餘點。暑景猶未徂。涼風遽相感。平生微尚在。老去孤蹤忝。復此坐幽清。自然塵慮澹。

題陳允升塞外牧羊圖後四首

誰護儲胥峙糗糧。開邊端合用陳湯。卽看士馬歡騰後。宴犒猶餘萬角羊。鞭策曾趨萬騎先。饒鉦親扈六飛旋。當初應咲移中監。雪北蒙氈十九年。橫草功名一例看。牧羊何似牧民難。郎潛此日憐頭白。辛苦邊州兩政官。春草如秧際綠蕪。駟羣何日首歸途。一蓑烟雨村南北。添寫巾箱考牧圖。

大雨下直至自怡園

急雨催歸騎。虛檐警夕聽。勢沉三徑竹。漚散一池萍。穴蟻緣林木。跳蛙入戶庭。最宜新浴罷。坐看鶴梳翎。

題蕉士上人扇頭墨竹

老僧指上微涼起。攜入先生懷袖中。好是綠筠亭上坐。墨光含雨筆搖風。

移寓城南道院納涼

不信人間有鬱蒸。好風來處晚涼增。滿城鐘磬初生月。隔水簾櫳漸吐燈。書少只宜高閣度。牆低聊當曲欄憑。白須道士休相避。我已身如退院僧。

玉竦橋觀荷花和張研齋前輩

水風涼透鷺鷥肩。一鏡爭窺萬柄蓮。不是玉樓金殿影。直疑身在過湖船。

雨中獨直南書房

宵宵九重關。沈沈萬壽山。雨來聲更靜。天上坐能閒。寓意同休沐。浮踪信往還。御溝新漲急。歸及聽潺潺。

大雨出前門口占

猛勢如潮欲撼城。九衢暴漲一門爭。去年六月灤河北。雷轉空山是此聲。

送陳子文出守石阡八首

橐筆多番到直廬。墨淋漓灑玉蟾蜍。一麾自擁君恩出。礪石先應刻御書。君爲部郎時。屢召赴南書房。用南史伏

瘦嶺荒江路七千。一家迢遞向蠻天。不知賸布巴賓外。可有公畦太守田。

用南史伏

鳥道中開斗大城。耀歌處處合蘆笙。風流郡伯褰帷入。赤腳花鬢次第迎。

清香晝靜雙枝戟。碧樹春垂小桁簾。預算鈴齋無俗事。一泓冰鏡照吟髯。碑版光傳照裔文。臨池妙手繼鵝羣。翻防訟牒紛難却。判尾爭先乞使君。

四十年來好弟兄。夢中曾共躡蓬瀛。

子文初赴選。夢與余兄弟同入朝。已而果驗。

白頭岐路天南北。忍便念念賦渭城。

短衣猶記走邊頭。烽火遙連古智州。今日故人乘傳去。太平時節話前游。

庚申辛酉余在貴陽幕府故及之。

宦蹟知從歷政深。單裝寧肯負初心。歸舟不載葵花石。要使清名過鬱林。

石阡府志城南龍洞有兩石如盤形。類葵花洞中產紋石。俗名

醺果。任人賞玩。不得攜歸。

恭和御製山左豐年歌原韻

周官荒政皆仁政。散利恆先重民命。平時蓄衆道維慈。臨事承天心以敬。五行疇範推皇建。九扈農祥視晨正。堯湯水旱其數然。補救由人乃前定。吾君御宇軫郵頻。流膏沛潤沾幽淪。厚培亭毒煦春律。峻極穹蓋函秋旻。偶逢小眚占俗儉。特渙大號賙匱貧。開倉立發千萬億。遣吏徧荷咨諏詢。飛鴻在野集在澤。六府九紀咸平均。東人誰能忘帝力。艱食俄聞奏鮮食。禾苗長畝二麥登。鼓腹依然安作息。向來睿慮每宵衣。至是天顏同霽色。明朝尺一傳山莊。帝庸作歌庶事康。太平有象省惟歲。飢溺已拯猶如傷。豳風十月獻朋酒。羣祝萬壽期無疆。可知先憂後樂意。覆載莫媿恩難量。小臣矢詩紀上瑞。更願岳牧勤官方。

伏讀御製山莊書懷賜大學士詩恭次扇頭原韻

雨暘時若驗陰晴。無逸心周稼穡忙。夏墮已聞收翠浪。秋場旋見擣紅粳。仁風被賜先元老。喜色騰懽徧列卿。共識宸章難仰答。太和元氣在咸英。

疊納涼韻戲答俞扶九侍御

時同寓道院

晨烟夕靄氣蒸蒸。秋水門前幾尺增。止酒免償隣負債。施油催點佛龕燈。嫩莎院落晴聯步。獨樹軒窗雨對憑。寓庭有白楊一株除却入朝須起早。兩鰥何事不如僧。

古詩四章上座主孝感相國壽

火維靈輿區。灝氣恣磅礴。洞庭匯溟滓。石廩聳寥廓。五百應昌期。元精鼓橐籥。大儒乃篤生。作鎮配川嶽。恭惟我夫子。異采輝井絡。曳履上星辰。訐謨重帷幄。迴翔密勿地。獨力幹樞略。立極奠六鰲。清剛礪鏘鏘。道原幸有賴。不數平津閣。

正學日淪替。百家紛語言。我公實聞知。洙泗窮淵源。妙窺千聖秘。月窟兼天根。理障快掃除。煥如朝吐噉。發揮爲事業。突兀搗乾坤。峨峨千丈松。迥立無攀援。經邦實致治。吾道中行存。

勝國史未成。簡編就殘脫。門戶互排捫。文獻恐澌沒。聖朝樹立遠。損益鑒前轍。大筆待鉅公。是非辨毫髮。六館旣弘啓。四部亦燦設。貫穿三百年。搜抉十萬帙。迢遙溯開創。細瑣逮季末。非公習掌固。何由發囊括。獨成一代書。凜凜陽秋筆。

贊化非一塗。調元歷三紀。朝端立樞極。爨下收杞梓。五度入南宮。至尊深倚毗。請看百僚上。盡屬門牆士。一歸出懇誠。進退鮮愠喜。重來資啓沃。未許久田里。公之視浮榮。奚啻若敝屣。角巾就邸第。寢食善名理。上日攬揆辰。川流同岳峙。采芝猶有待。傳菊煩中使。平格天所豐。稱觴今以始。

王學菴給諫移寓保安街有詩見寄次答二首

吟檢空囊付畫叉。不妨家具少于車。篋中諫紙傳新草。唐制拾遺官月給紙二百張名諫紙牆角吟蛩報晚花。置酒可能邀

北郭。賣書端合問東家。十年瘴嶺煙江路。容易星回博望查。學菴兩任黔粵縣令

轆轤綆轉石欄邊。僦屋曾棲蒲褐禪。余壬午癸未間曾僦居此街

古井再經愁雨塌。舊交重聚得天憐。明燈照壁何愁

蠟。綠樹當門定有蟬。稍待泥乾走相覓。看君新竈起茶烟。

得朱悔人石泉書却寄

蛛絲繚繞鵲聯翩。信使來從古石泉。躑足憐渠行萬里。尺書報我閱三年。天垂馬閣真奇險。官到龍州類左遷。相勸白頭須作達。好詩題徧好山川。

奉祝崑山徐太夫人七十壽

早相中朝黼黻臣。晚攜麟鳳拜恩綸。五千歲裏三秋節。二十年來八座人。星漢高原占寶婺。門牆餘蔭在儒紳。黃花酒暖金桃熟。遙指西池是海濱。

史蕉飲前輩招集一畝園分賦

踏屐衝泥取次行。重來忽漫聽秋聲。空園樹比昔年老。積雨天逢今日晴。世上官情閒最好。詩中澹味煉難成。韓家潭外如鉤月。愛領新涼到鳳城。

月夜城南水閣偶集分韻得白字卽題陳濂村峨眉詩草後

高閣倚秋清。天空露華白。水風吹月上。去我若咫尺。此時一尊酒。遠致三峨眉。客稍稍召朋儔。羅羅飭肴核。盍簪非意料。邂逅心莫逆。君生公名家。名上金閨籍。七年行蜀道。尙爾好顏色。懷袖有峨眉。雲烟落几席。茲山洵僻左。迥與中原隔。鬪險出五丁。蠶叢始開闢。君才雖小試。實佐籌邊畫。談笑無滯機。登臨挾仙翮。徑危蛇倒退。石惡劍中劈。日月光攝身。雷霆伺投隙。雪山帶西竺。萬里赴絡繹。豈非所歷高。參井手可摘。不然域外觀。詎肯供汝役。人生百年內。知著幾兩屐。柰何塵鞅羈。踟步恆跼蹐。哦詩撫清景。不醉良可惜。努力營一歡。流連盡今夕。

題史耕巖前輩收綸轉棹圖四首

銜尾船裝壓浪書。鱸鄉風物比何如。羨君別具經綸手。釣綫隨身自卷舒。賞花曾記把魚竿。南史家傳學士冠。四十年中三掌誥。鳳池何似五湖寬。拍殘銅斗酒初醒。射鴨堂連避暑亭。想得卸帆秋正好。水花風葉滿鷗汀。

千里波光一曲移。西風吹老碧蒹葭。畫圖愛寫湖山意。未是先生乞賜時。

熊質均年伯五十壽

半百韶華九九辰。重陽前一紅萸黃菊一番新。堂前接武尙書履。膝下承顏進士巾。次君與余同年風月無邊邀客賞。蠶鹽有味愛官貧。時官國子學正盈觴酒美須勤置。共識清醇似主人。

陳濂村新闢書屋名曰萍廬中秋後二日招同人宴集分韻得明字

名園十年別。乙亥夏與濂村共醉高陽相國園亭蜀道萬里行。自爾好會稀。轉頭歲嶢嶸。聞君昨報最。還裝及秋晴。相公顧之喜。東閣客已盈。吾老不曉事。頽然廁羣英。開筵亦見招。謂是門下生。坐我三間廬。酌以一角觥。爲言聚散地。遠近豈有程。點池忽西東。浮海或合并。所以顏此室。而取萍爲名。吾意殊不爾。勸君還細傾。君才本謫仙。偶然去瑤京。玉堂手種樹。再到陰已成。況復芝蘭塔。連枝合田荆。謂潛齋學士胡爲不自廣。猥作詩人鳴。如余乃萍耳。一葉漂大瀛。舉頭望秋空。雲月遞微明。後期難預必。得句且再賡。

送靖安叔歸峽石三首

畫鼓朱旗曉日開。廣場千步淨無埃。紫光閣下通名姓。曾與天潢較射來。紫光閣在玉棟橋西南。武殿試日。皇上率東宮諸王先升御幄。步射畢。諸進士乃排班。

文武家聲荷主知。右班特許綴蛾眉。一門盛事傳希有。親見穿楊入彀時。叔赴殿試日。余與聲山姪俱奉特旨賜坐西班觀射。時以爲榮。

最喜高堂有老親。還家初換綵衣新。兩山霜葉紅於錦。馬上爭看第一人。余家以武科登第。自叔始。

總憲蔣裕菴先生輓詞二首

副相聲華重。恢然德宇宏。青雲多故吏。黃閣是門生。相國桐城公出先。生禮閣分校門下。氣壓松阡肅。霜留栢府清。憲臺傳故事。存沒備哀榮。

帝里移家久。堂開綠野宜。庭惟栽玉樹。坊亦號靈芝。卿月流丹旆。商飈卷素帷。薤歌聲咽處。慘動是南司。

大宗伯長洲韓公挽詞四首

昭代文章伯。精靈造化鍾。同朝瞻進退。上殿畫儀容。獨具回天力。羣歸秉禮宗。逍遙歌曳杖。泰岱忽摧峯。皇太子手選先生制藝。文一冊。曾出示愼等。才名四裔知。直惟憑帝鑒。清并畏人知。物

望關存歿。非公更屬誰。

昔去絲綸地。還朝又十年。高風仍館閣。雅尚自林泉。一病歸難料。先生以病乞歸。奉旨留京調理。初心老倍堅。尙餘毫髮恨。悵望五湖船。

折柬曾蒙召。扶床得幾回。泥塗遲下直。函丈失追陪。七月二十日。公病間。手札見招。是日。遺墨真堪寶。藏。慎行下直稍晚。不及趨赴。遂成永訣。緘忍再開。寢門纔隔月。今爲哭公來。

題吳震一中翰詩藁後